

Broj: 04-19-100/24  
Sarajevo, 11.03.2024. godine

PARLAMENT FEDERACIJE BiH  
gosp. Sanel Kajan, zastupnik u Predstavničkom domu

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

ZASTUPNIČKI/PREDSTAVNIČKI DOM  
gđa Mirjana Marinković - Lepić, predsjedavajuća

|                       |       |         |            |
|-----------------------|-------|---------|------------|
| Primijeno: 11-03-2024 |       |         |            |
| Org. jed.             | Broj  | Priloga | Vrijednost |
| 05/1                  | - 02- | 88      | 24         |

VLADA FEDERACIJE BiH  
gđa dr. sci. Edita Kalajdžić, sekretar Vlade

**Predmet:** Odgovor na zastupničko pitanje, dostavlja se

**Veza:** Akt Vlade Federacije BiH broj: 03-04-141-2/24 od 07.03.2024. godine

Dana 08.03.2024. godine Služba za zajedničke poslove organa i tijela Federacije Bosne i Hercegovine je zaprimila akt Vlade Federacije Bosne i Hercegovine, broj i datum veze, u prilogu kojeg je, radi odgovora u skladu sa nadležnostima, dostavljeno zastupničko pitanje koje je postavio zastupnik Sanel Kajan, koje je Vladi Federacije Bosne i Hercegovine dostavila predsjedavajuća Zastupničkog doma Parlamenta Federacije Bosne i Hercegovine u prilogu akta broj: 05-1-02-88/24 od 04.03.2024. godine, a koje glasi:

„Šta je planirano sa zgradom nekadašnje „Staklene banke“ u Mostaru i zašto se njena obnova ne realizuje“?

S tim u vezi, dostavljamo sljedeći odgovor:

- Odjel za urbanizam i građenje Grada Mostara je, na osnovu Idejnog projekta, donio Rješenje broj: UPI-07/2-19-13920/22 od 18.10.2022. godine, kojim se Vladi Federacije Bosne i Hercegovine daje urbanistička saglasnost za sanaciju i rekonstrukciju poslovnog objekta, a prema urbanističko tehničkim uvjetima broj: UPI-07/1-19-13920/22 od 14.10.2022. godine, sa utvrđenom klauzulom pravosnažnosti dana 17.11.2022. godine,
- obzirom da u Budžetu Federacije Bosne i Hercegovine za 2023. godinu nisu bila obezbjeđena sredstva za ovu namjenu, važnost Urbanističke saglasnosti je produžena je Rješenjem broj: UPI-07/2-19-12035/23 od 28.11.2023. godine za godinu dana, sa utvrđenom klauzulom pravosnažnosti dana 05.01.2024. godine,
- u Budžetu Federacije Bosne i Hercegovine za 2024. godinu, na razdjelu 12, glava 1202 - Služba za zajedničke poslove organa i tijela Federacije Bosne i Hercegovine, ekonomski kod 821500 - Nabavka stalnih sredstava u obliku prava - Rekonstrukcija/sanacija/adaptacija zgrade Vlade Federacije Bosne i Hercegovine u Sarajevu i objekta poslovne zgrade "Staklena banka" u Mostaru, odobrena su sredstva u iznosu 7.144.400,00 KM, čime su se stekli uslovi za nastavak aktivnosti na realizaciji projekta;
- Služba se gradonačelniku Grada Mostara i Gradskoj upravi obratila aktom broj: 04-19-297/22 od 16.01.2024. godine, sa naznakom hitno, vezano za Javni poziv za uklanjanje ruševnih i/ili devastiranih građevina na području Grada Mostara, broj: 02-19-546/24 od 10.01.2024. godine, obzirom da se na Popisu ruševnih i devastiranih objekata u Mostaru, koja je sastavni dio Javnog poziva, pod rednim brojem 55. nalazi zgrada "Staklena banka" naznačena kao "stambena", te imajući u vidu da su u 2024. godini planirane aktivnosti na obnovi predmetne zgrade, za koje su izdate i potrebne saglasnosti, zatraženo je da se sa Popisa ruševnih i devastiranih objekata u Mostaru briše tačka 55. zgrada "Staklene banke", i isto zvanično objavi,
- u toku su aktivnosti za provođenje postupaka javne nabavke: usluga izrade Glavnog projekta sanacije i rekonstrukcije poslovnog objekta i usluga revizije Glavnog projekta sanacije i rekonstrukcije poslovnog objekta za potrebe Vlade Federacije BiH u Mostaru.

S poštovanjem,

Dostaviti:

- Naslovljenim x 3
- a/a

